


# كتاب شخايط بنوته في حقوق بقلم الكاتبة صفاء سمير



كتاب شخايط بنوته في حقوق بقلم الكاتبة صفاء سمير مبارك





## ★ لا تهدر ذاتك

متملاش في قرنة مخرومة، مثل شعبي لكنه واقعي.  
أوعى تجتهد في شيء مش ملكك بزيادة، كفاية تعمل  
المطلوب منك فقط، لا غير، لأن محدش بيقدّر، والإ  
نسان بطبعه جاحد.  
فما تستثمرش غير في اللي يخصك وفي نفسك، أما  
ما لغيرك فلغيرك، ووقتها هيقولك - لو قدر أصلاً - "كتر  
خيرك!"  
الوحيد اللي استثمارك معاه رابح هو اللي خلقك، ثم  
نفسك، غير كده، مفيش حد يستاهل.

## بقلمي - شخايبط بنوتة في حقوق





## ★ سرقة غير مباحة

لما تعرف حد بغرض المصلحة، متوهمهوش بعمق العلا  
قة، ولا تخليه يفتكر إن بينكم عشم خارج عن الحد أو  
ودّ مصطنع.

وبمجرد ما المصلحة تخلص، ماينفعش تتعامل وكأنك  
عمرك ما عرفته، لأن ده اسمه استغلال، سرقة غير  
مباحة، واستنزاف مشاعر لا يحق لك.

بتوع الحقوق دارسين إن الجرائم المعنوية نفس حكم  
الجرائم الظاهرة، والنية وحدها كفيلا إنها تقلب الحكم  
من جريمة عمد عقوبتها الإعدام أو المؤبد، إلى جريمة  
بدون قصد عقوبتها الحبس أو السجن.

فبالله، خلوا بالكم من نواياكم، وارحموا مشاعر الآ  
خرين.

## بقلمي - شخايبط بنوتة في حقوق





## ★ "الحب... بين الوهم والحقيقة"

غمره ما كان الحب فجأة، زي قطع النور ومجيئه كده!  
الحب بيتولد بينا بالعشرة، بالمواقف، بالحياة  
الحقيقية اللي مليانة بكل الأكشن والدراما، ولا بأس  
من وجود بعض الرومانسية.

ده الحب الحقيقي، اللي يستاهل أعيش له حياة، لأن  
الحب الحقيقي بييجي ويتولد بعد كتب الكتاب،  
أما قبل ذلك، فهو مجرد احتمال، ويا عالم...

هيصيب؟ ولا هيبدا العويل والصراخ بأن كل شيء كان  
سرابًا؟

أو يمكن تيجي صدمة ما بعد الحمل، ألا وهي بداية الو  
لادة... فهل سنقبل بهذا الشكل غير المتوقع ونتقبله في  
حياتنا؟ أم سنعود نولول كما سبق؟

وخلاصة الخلاصة نقول: يعيش الرباط المصون بـ  
الطريقة الإسلامية الشرعية، ويبقى الباقي ثراب أحلام  
زائلة، نعوذ بالله ونستعيد منه.

والحمد لله رب العالمين، رزقنا وإياكم من رزقه الوفير.

بقلمي - صفاء سمير





## ★ "صاحب يؤمنك الطريق"

صاحب... صاحب تتكسف تجاهر قدامه بمعصية.  
صاحب... صاحب يربط على قلبك وقت وجعك.  
صاحب... صاحب لما تغلط، يفهمك بحب ولين ورفق.  
صاحب... صاحب لما يكون في حياتك عادة سيئة،  
يفضل وراك بصبر لحد ما تغيرها.  
صاحب... صاحب يفرح لك لما تعمل حاجة جديدة  
حلوة في حياتك، حتى لو كانت صغيرة.  
صاحب... صاحب تتباهى بيه يوم القيامة إنه  
صاحبك.  
صاحب... صاحب يصاحبك إلى الجنة.

## بقلمي - شخايبط بنوثة في حقوق





## ★ "جنتك بين يديك"

أكثر حد يستحق إنك تعافر من أجله هو أنت وبس.  
فأصلح قلبك وصله بربك،  
ينصلح الكل من أجلك ويكون مسيرًا بإذن الله  
لخدمتك.  
وفي ذلك الوقت،  
تتذوق نعيم الجنة في الدنيا قبل الآخرة.  
فكما قال أحد الصالحين:  
"في الدنيا جنة، من لم يدخلها لن يدخل جنة الآخرة."  
فأنت يا رفيق، وحدك القادر على دخول جنتك أو  
مغادرتها.  
فأنت وحدك القادر على إنجاز المستحيل خاصتك.

بقلمي - شخايبط بنوثة في حقوق

صفاء سمير





## ★ "صناعة التميز"

كن متميزًا في المكانة التي توجد بها، وضع بصمتك في الحياة.

فإن تحب ما تعمل وتتميز فيه وتستمتع به خير من انتظار ما تتمنى أن تعمل فيه.

فالناجح هو من يستغل كل فرصة تأتيه، ولا ينتظر ما هو في علم الغيب.

فالله يجبر دائمًا قلب كل مجتهد.

فكن، يا رفيق، مع الله بحسن ظنك فيه،

تكن الدنيا وما عليها مسخرة لخدمتك.

بقلمي - شخايبط بنوته في حقوق

صفاء سمير





## ★ "ابتلاءات القدر"

للي بيسأل السؤال اللي محير دايمًا:  
"اشمعنا أنا؟ ليه بيحصل معايا كل ده؟"  
أرد عليه وأقول:  
"اشمعنا أنت؟"  
"اشمعنا أنت؟"  
عشان لازم تبتلى،  
لازم تدوق مرارة الاختبار.  
هتقولي اختبار إيه؟  
هجاوبك: اختبار الدنيا يا كبير!  
محدث منها هيروح لدار السلام  
إلا وينكوي بنار المكاره والابتلاءات في دار الفناء.  
أما لو عاوز تعيش في السعير،  
فطريقه مزين بالشهوات،  
كل اللي عليك هو الصبر وحسن الاختيار.  
لأنك لو اعترضت، هتغضب الرحمن،





وفي الآخر مش هتنول إلا المكتوب.  
وفي الختام، أحب أقولك:  
يا بختك!  
متستغربش،  
ايوه يا بختك!  
فعلامه محبة الرب للعبد،  
هي كثرة الابتلاءات،  
عشان يخليه من المصطفين الأخيار.  
وكفاية بس عليك،  
إن الكريم بيتباهى برضاك وإيمانك بقدرك،  
قدام الملائكة الأخيار.  
ووقتها هتكون من ضمن اللي قال المولى في وصفهم:  
"رضي الله عنهم ورضوا عنه."  
والسلام مسك الختام.

**بقلمي - شخايبط بنوته في حقوق**

**صفاء سمير**





## ★ "الأحلام مفتاح الحياة"

لكل شخص حر فاقد الأمل بالحياة، قد صاحبه اليأس من تحقيق أحلامه التي أصبحت له مجرد سراب، أقول:

لولا الأحلام ما كان هناك معنى للحياة.

فالأحلام هي ما تجعلنا مستمرين في العيش بتلك الديار.

فيا حر، لو حلمك لم يتحقق بعد، فلا تقيّد روحك بالعجز وتصبح أسير اليأس.

احلم، احلم، واحلم، واحلم كثير يا إنسان.

لكن الأهم من الحلم كي يتحقق ولا يصبح مجرد أوهام أو سراب،

أن تتبعه بالكثير من الفعل الذي يصاحبه الصبر والعزم والاستمرار.

احلم يا حر، فعدم الحلم يعني الفناء.

والسلام مسك الختام.

## بقلمي - شخايبط بنوته في حقوق





## ★ أمي

أمي أحن واحدة، ربنا في الكون خالقها. وأبي في وجوده بنا، أنا وأخواتي أعظم نعمة من بيها علينا المولى. ربنا يرزقنا البر فيهم ونوفيههم ولو جزء من حقهم علينا. ونشهد المولى أنهم كانوا ومازالوا أعظم نعم المولى لنا.

نعتذر لهم ألف مليون اعتذار لو في يوم جينا عليهم بدون قصد منا. وأكد فاهمين يا أغلى الناس أن هذه وسيلة الشيطان الرجيم في محاولة منه لهدم البيت العظيم اللي اتأسس على المودة والإخلاص. واللعين ما يستاهلش غير الاستعاذة بالله منه، لأن كيده ضعيف وقلبك يا أمي وأبي مليان محبة ورحمة لينا من الرحمن الرحيم. وأخيرًا، أحب أقول: لو فينا حاجة حلوة أو نجاح وصلنا ليه، فأنت يا أمي وطيب قلبك، وأبي وجهده وتعب السنين، هما السبب في كل ده.

نسأل الله العظيم ألا يُخيب رجاءكم فينا، وأن نكون دائمًا مصدر سعادة لكم في الدنيا، وفي الآخرة تكونون من المنعمين. آمين.

## بقلمي - شخايبط بنوته في حقوق

### صفاء سمير





## ★ "سلاح المؤمن"

طبيعي يوسوس، طبيعي يزن، في كل مدخل من  
مداخل الإنس. وليه العجب؟ وليه تنصدم؟ وهو بنفسه  
أعلن الحرب، ووعد اللي خالقه إنه لينا كايد، لحد ما  
يجي أمر المعين.

فعيننا يا رب على النصر المبين، ودا مش هيجي بعده  
أو عداد. دا سلاح المؤمن هنا في القلب السليم، القلب  
الموحد برب العباد، القلب اللي مليان بالصفاء من أي  
تكبر أو غل دفين.

فطهر يا ربي قلوب العباد عشان تنال وعدك الجميل.  
ولعنة، لعنة، وكمان ألف لعنة على إبليس الشيطان  
الرجيم.

بقلمي - صفاء سمير

